



PEPA O FA'AMATALAGA:

6 Iulai 2022

Fa'alauiloa e le Fa'aputugātupe Teufa'afaigaluega o Mavaega Tausi a Samoa (UTOS) Iona tufatufaga pito i maualuga e \$7.50 miliona tala mo le tausaga fa'aletupe lea ua maea i le Aso 30 Iuni 2022.

Ua maea fa'amaonia e le Komiti o Fa'atonu a le Kamupani o Pulega mo Fa'aputugātupe Teufa'afaigaluega o Mavaega Tausi a Samoa fa'apea le Tausi Mavaega le \$7.50 miliona tala mo le toe tufatufaina atu i le aufai'iunite mo le tausaga fa'aletupe lea ua māe'a ia luni 2022. E tusa ma le 4,300 sui-faiiunite o lo'o fa'afaigaluega a latou seleni i totolu o le Fa'aputugātupe, o le ā fa'amaniaina i lenei tufatufaga. O se taimi muamua lenei ua ausia ai e le Fa'aputugātupe se tufatufaga ua sili atu ma le \$7.50 miliona tala ma ua fa'amauinā o se matāti'a fou lenei la'asaga.

E 8 sene i le iunite o le a agavaa ai sui-faiiunite uma mai lenei tufatufaga. E 9.25% le aofaiaga atoa o faamanuiaga fa'aopopo i teugātupe mo le aufaiiunite, e afua mai lea ile 4.52% na maua mai i pasene o tufatufaga; fa'aopo'opo i ai ma le 4.73% o le si'itia o le tau aogā o le iunite. O le aso 8 o Iulai o le ā mafai ai e le aufaiiunite ona tala i tua a latou tufatufaga, po'o o le toe tului i totolu o latou teugātupe, ma e fa'agata lea avanoa i le aso 7 o Oketopa 2022. O lo'o tatala fo'i auaunaga fa'a-tekonolosi i luga o tatou upega tafāilagi po'o le UTOS mobile app e fai ai filifiliga a le aufaiiunite, pe asiasi mai fo'i le tatou ofisa autu mo se fesoasoani.

E tele lu'itau na feagai ma le Pulega i lenei tausaga fa'aletupe ua mavae atu, peitai sa galulue punoua'i lava le tatou Kamupani o Pulega ina ia ausia ni fa'amaniaga lelei mo le aufaiiunite, e ui lava i tulaga lamatia ua iai nei le tamaoaiga o le lalolagi ona o le Koviti-19. O le tausaga fa'aletupe foi ua mavae atu, na fa'atino ai foi e le Fa'aputugātupe ni teugātupe teufa'afaigaluega e le gata i Samoa nei, ae fa'apea foi i isi Atunu'u o le Pasefika, ina ia maua ai pea ni auala ese'ese e maua mai ai tupe faasili mo le Fa'aputugātupe. I le va'aiga mamao, o nei vaega ese'ese e fa'afaigaluega ai seleni e mautinoa le siitia ai o tupe maua mo aufaiiunite i le lumanai.

O lo'o fa'aauau pea ona galulue malosi le Pulega ina ia mautinoa le tumau pea o le fa'atuatuaga a le aufaiiunite e ala lea i auauanga lelei ma talafeagai, fa'apea ai ma le si'itia o tupe maua mai le Fa'aputugātupe. O le toe fa'asoa atu o tupe fa'asili mo le aufaiiunite i tausaga taitasi o le pine fa'amau lea o le fa'anaunautaiga a le Fa'aputugātupe ina ia galue mo le manuia o le aufaiiunite.

E avea le Ofisa Sili o le Kamupani o Pulega, Tevaga Viane Tagiilima e fai ma sui o le Komiti o Fa'atonu ma le Tausi Mavaega e fa'aihoa le agaga fa'afetai i le mamalu o le aufaiiunite fa'apea pa'aga masani a le Fa'aputugātupe, mo le fa'atuatuaina o le tatou Pulega e fa'afoeina a outou teugātupe, a'o feagai ai Samoa ma le lalolagi i lenei vaitau faigāta. E fa'amautūina pea le naunautaiga o le Pulega ma le aufaigaluega, e galulue punouai, ina ia malu puipua pea teugātupe teufa'afaigaluega a le aufaiiunite, fa'apea le tapu'eina o avanoa lelei e teufa'afaigaluega ai a latou seleni.

O le Fa'aputugātupe Teufa'afaigaluega o Mavaega Tausi a Samoa, o se Fa'aputugātupe tumaoti e pulea e le aufai'iunite ma ua tu'uina atu le fa'atuatuaga i le Kamupani tau Mavaega Tausi, e va'aia ma tausia uma ana aseta. O nei vaegātupe e teufa'afaigaluega i ni auala ese'ese e maua mai ai ni seleni fa'aaopo'opo, e pei o Tupe teu fa'avaitaimi i faletupe, nonōgatupe malupuipua i le Malo o Samoa ma sea i totonu o kamupani tumaoti i Samoa nei ma le Pasefika. O le anava fa'aagafeso'otai a le Fa'aputugātupe, o le manuia lea o tagata uma; ia saunia ni auala faigofie ma taugofie e teufa'afaigaluega ai seleni a so'o se tagatanu'u Samoa. Ae o lana anava fa'apisinisi, ina ia ausia ni tupe faasili mo ana aufai'iunite mai ana teugātupe ua maea ona ilo'ilotoa.

Mo nisi faamatalaga e uiga i lau teugatupe teufaafaigaluega i le UTOS, faamolemole fa'afesootai mai le tatou ofisa i le +685 29916 poo o le +685 26949. E mafai foi ona imeli mai i le info@utos.ws po'o le feso'otai mai foi i luga o le tatou Facebook Page – Unit Trust of Samoa.